

Ilay Voa Tsara Nafafy 11
Jolay 2018

Ary tahaka ny nanendrena ny olona ny ho faty indray mandeha, ary rehefa afaka izany, dia hisy fitsarana...

Hebreo 9. 27

Satria efa nohamarinina tamin'ny finoana isika, dia aoka isika hanana fihavanana amin'Andriamanitra amin'ny alalan'i Jesosy Kristy Tompontosika.

Romana 5. 1

Ary amin'izany dia tsy misy fanamelohana ho an'ny ao amin'i Kristy Jesosy. Romana 8. 1

Ny fotoana sy ny mandrakizay

Falifaly erỳ ireto tanora fito handeha hamonjy takarivam-pan-dihizana. Tsy noeritreretiny fa io no ho farany, ho an'ny dimy amin'izy ireo, aoriana loza fifandonana hiteraka fahafatesana. Tamin'ny taona lasa dia mpandeha fiaramanidina dimampolo amby zato no nadiva ho tonga tany Alemaina. Tsy nisy, na iray aza, nanampo fa ho lasa any amin'ny mandrakizay izy ireo, afa-ka segondra vitsivitsy. Anio koa, dia olona maro no handao izao fiainana izao. Ary indraindray dia tonga tampoka, tsy mampandre, ny fahafatesana.

Mampianatra anao momba izany ny Baiboly : „Tsy mahalala ny ho ampitso ianareo. Inona moa ny ainareo ? Fa zavona iha-ny ianareo, izay miseho vetivety, dia levona.” (Jakoba 4. 14).

Tao anaty fahoriana mafy i Joba no niantsoantso hoe : „Fain-gana noho ny famahanan-tenona ny androko, ka lany tsy misy fanantenana” (Joba 7. 6). Isika ve efa vonona ho any ankoatra ? Ny kristiana dia manana fanantenana, miorina amin'ny asam-pitiavana nataon'i Jesosy Kristy, Izay maty mba hanome fiaina-na mandrakizay ho antsika ; fahazoana antoka, izany, io fanan-tenana io.

Ry mpamaky, raha mbola tsy noheverinao izany resaka iza-ny, fantaro fa Andriamanitra kosa dia mihevitra ny aminao. Tiany hitodika aminy ianao. Manana fikasana ho anao Izy, tsy ho an'ny fiainanao eto an-tany fotsiny, fa ho an'ny mandraki-zay koa. Nanatona anao Andriamanitra, tamin'ny alalan'i Jeso-sy Kristy Zanany. Hampahafantariny anao ny „efa namboarin' Andriamanitra ho an'izay tia Azy” (1 Korintiana 2. 9). Raiso ny fahasoavany, amin'ny finoana ny Zanak'Andriamanitra, Izay efa nanatanteraka ny zava-drehetra mba hanananao ny faha-sambarana mandrakizay.